



**Nærøyfjorden
verneområdestyre**

Postadresse

Nærøyfjorden verneområdestyre
Njøsavegen 2
6863 Leikanger

Besøksadresse

Fjordsenteret
5745 Aurland

Kontakt

Sentralbord: +47 57 64 30 00
Direkte: +47 5764 3134

fmvlpst@fylkesmannen.no
www.nasjonalparkstyre.no/naroyfjorden

Underdal Grendalag
v/ Atle Underdal Borlaug

Sakshandsamar Jorunn Vallestad

Vår ref. 2021/706-0 432.2

Dykkar ref.

Dato 12.02.2021

Dispensasjon - Nærøyfjorden verneområdestyre - kvilebenkar på Sti - Underdal grendalag

Sender vedlagt saksprotokoll med saksframlegg frå Nærøyfjorden verneområdestyre.

Informasjon om klagerett

Vedtaket kan klagast inn for Miljødirektoratet av partar i saka eller andre som har rettsleg klageinteresse med ein frist på 3 veker jf. forvaltningslova §§ 28 - 29. Klagen skal rettast til Miljødirektoratet, men sendast via verneområdestyret v/sekretariatet, som kan gje nærare opplysningar om klagerett og rett til å sjå saksdokument.

Med helsing

Trygve Skjerdal
Nærøyfjorden verneområdestyre

Jorunn Vallestad
verneområdeforvaltar

Dokumentet er elektronisk godkjent

Kopi til:
Aurland kommune
Statsforvaltaren i Vestland
SNO Aurland



Arkivsaksnr: 2021/706-0

Sakshandsamar: Jorunn Vallestad

Dato: 14.01.2021

Utval	Utvalssak	Møtedato
Nærøyfjorden verneområdestyre	5/21	08.02.2021

Nærøyfjorden verneområdestyre - kvilebenkar på sti - Underdal grendalag

Innstilling frå forvaltar

Underlag grendalag får løyve til å setje opp 4 benkar i Undredalen. To benkar langs stien til Hovdungo, ein ved Kristenhaug og ein ved Morkhamar, og to på gamlevegen til Langhuso, ein ved Djupsåna og ein ved Breidskreda.

Løyve er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ, og gjeld med fylgjande vilkår:

- Benkane skal bestå av ei enkel benkeplate utan rygg.
- Benkeplata skal helst bestå av utskore al-materiale, alternativt av impregnerte bord.
- Benkane skal festast i steinar med eit armeringsjern som er sveist på ei metallplate. Plata skal festast i treverket og armeringsjernet festast i steinen.
- Benkane skal plasserast som vist på kart.
- Underdal grendalag har ansvar for vedlikehald av benkane.
- Det skal sendast rapport med bilete når benkane er satt opp.

Saksprotokoll i Nærøyfjorden verneområdestyre - 08.02.2021

Handsaming i møte

Vedtak i samsvar med innstilling frå forvaltar.

Vedtak

Underlag grendalag får løyve til å setje opp 4 benkar i Undredalen. To benkar langs stien til Hovdungo, ein ved Kristenhaug og ein ved Morkhamar, og to på gamlevegen til Langhuso, ein ved Djupsåna og ein ved Breidskreda.



Løyve er gjeve med heimel i verneforskrifta for Nærøyfjorden landskapsvernområde og naturmangfaldlova § 48 fyrste ledd og fyrste alternativ, og gjeld med fylgjande vilkår:

- Benkane skal bestå av ei enkel benkeplate utan rygg.
- Benkeplata skal helst bestå av utskore al-materiale, alternativt av impregnerte bord.
- Benkane skal festast i steinar med eit armeringsjern som er sveist på ei metallplate. Plata skal festast i treverket og armeringsjernet festast i steinen.
- Benkane skal plasserast som vist på kart.
- Underdal grendalag har ansvar for vedlikehald av benkane.
- Det skal sendast rapport med bilete når benkane er satt opp.

Saksopplysningar

Dokument som bakgrunn for saka:

- Søknad frå Underdal grendalag sendt 11.01.2021


Søknaden vert vurdert etter:

- Forskrift for Nærøyfjorden landskapsvernområde av 08.11.2002
- Forvaltningsplan for Vestnorsk fjordlandskap delområde Nærøyfjorden, rapport nr. 1 - 2008
- Naturmangfaldlova av 19. juni 2009

Underdal grendalag søker om å få setje opp 4 benkar i Undredalen. To benkar langs stien til Hovdungo, ein ved Kristenhaug og ein ved Morkhamar, og to på gamlevegen til Langhuso, ein ved Djupsåna og ein ved Breidskreda. Alle benkane blir like, med enkel benkeplate utan rygg. Benkeplata blir enten av utskoret al-materiale eller impregnerte bord. Benken står på to steinar og blir festa i desse med eit armeringsjern som er sveist på ei metallplate. Plata festast i treverket og armeringsjernet festast i steinen. Det er innhenta løyve frå grunneigarar og grunneigarlag.



Figur 1: Plassering av benkar langs gamlevegen.



Figur 2: Plassering av benkar langs stien til Hovdungo.



Figur 3. Type benk som er planlagt satt opp.

Lovgrunnlaget

Formålet i Nærøyfjorden landskapsvernområde er definert i verneforskrifta § 2: «*Føremålet med Nærøyfjorden landskapsvernområde er å ta vare på eit vakkert og eigenarta natur- og kulturlandskap frå fjord til fjell i eit storfelt isbreutforma landskap med eit mangfald av plante- og dyreliv og der eit kulturlandskap med slåtteteigar, beitelandskap, stølsområde, gardsbruk og kulturminne, skapt gjennom aktiv landbruks-drift, utgjer ein vesentleg del av landskapets karakter*».

Området er verna mot alle inngrep eller tiltak som kan endre eller verke inn på landskapets art eller karakter. Oppføring av benkar er ikkje omtalt i dispensasjonsreglane i verneforskrifta, og må derfor vurderast etter naturmangfaldlova § 48, fyrste ledd, fyrste alternativ; «*Forvaltingsmyndigheten kan gjøre inntak frå et vernevedtak dersom det ikke strider mot vernevedtakets formål og ikke kan påvirke verneverdiene nevneverdig*».

Etter naturmangfaldlova (nml.) § 7 skal prinsippa i §§ 8 – 12 leggjast til grunn ved utøving av offentleg mynde, og det skal koma fram av vedtaket korleis prinsippa er vurdert og vektlagt i saka.

Vurdering

Oppsett av benkar langs to mykje brukte turstiar vil vere positivt for både fastbuande og besøkande til Undredal. Stiane er gamle ferdselsveggar. Store deler av stiane ligg i Nærøyfjorden landskapsvernområde. Benkane som er planlagt skal setjast opp i verneområdet. Begge stiane er omtala i besøksstrategien som stiar som er lite sårbare for ferdsel, og som skal vere tilrettelagt for enkelt friluftsliv.



Det vil vere eit lite inngrep å feste benkane i stein, og det er ikkje registrert trua artar eller naturtypar i området som kan ta skade av tiltaket. Kunnskapsgrunnlaget jf. nml. § 8 er vurdert som godt for å vurdere denne saka, og føre-var-prinsippet jf. nml. § 9 er difor ikkje vektlagt i saka. Påverknaden på landskapet vil vere liten. Det er likevel viktig å vurdere den samla belastninga på naturmiljøet (jf. nml. § 10) av slike små tiltak for å hindra ein uheldig praksis i verneområdet, og som på sikt kan påverka landskapet.

Benkane er eit tiltak som vil komme allmenta til gode, og som er plassert langs stiar som skal vere tilrettelagt for enkelt friluftsliv. Dei vil gjere det meir attraktivt å bruke stiane, spesielt for folk som er dårleg til beins eller i dårleg form, og er dermed eit godt tiltak for folkehelsa. Benkane vil kunne vere med å redusere belastninga på naturen langs resten av stien, ved at rasting blir konsentrert ved benkane. Det er snakk om enkle benkar som ikkje vil verke dominerande i landskapet, og den samla belastninga av tiltaket er vurdert som liten. Benkane og festeanordninga som er valt er vurdert som miljøforsvarleg til dette føremålet jf. nml. § 12. Tiltaket vil lite truleg føre til miljøforringing og nml. § 11 er difor ikkje vurdert i denne saka.

Med dei vurderingane som er lagt til grunn i denne saka, meiner forvaltar at oppsetting av benkar langs dei to stiane vil vere positivt for opplevinga av verneområdet, utan å påføre nemneverdig skade på natur eller landskap. Tiltaket er vurdert til ikkje å vera i strid med verneføremålet, og ikkje føre til skade på verneverdiane, og det kan dermed gjevast løyve til tiltaket etter naturmangfaldlova § 48.